

浙江圖書館






浙江圖書館



浙江圖書館

皇明從信錄卷十二



浙江圖書館



皇明從信錄卷十二

東莞 陳建輯

辛巳建文三年

舊為洪武三十四年

吐氣

正月享太廟告東昌之捷。靖難兵還北平。

燕王耻東昌之敗道衍曰前固言之師行必克但費兩日耳兩日昌也自此全勝矣與朱能力勸前進

工部尚書嚴震直督餉山東

按震直字子敏烏程人洪武中起家布衣授試河南參政進工部尚書魁梧質誠太祖呼為嚴老實而不名

出使龍州修狂林靈渠論兩廣鹽法嘗監軍安南得玉帶一金戒指二不欲距夷情也以獻上同事御史誣

論之太祖黜御史而賜震直田宅世復其家北兵起督餉齊魯間兵敗被執後復為工部使安南密囑訪建

文上遇于雲南道中相對而泣上曰何以處我對曰上從便臣自有處夜縊于驛亭中



召復齊泰黃子澄官仍預軍國事

二月燕王自撰文祭陣亡將士張玉等涕零如雨自禡所服袍焚之以衣亡者丘福見王憤恚謂朱能曰王志氣如此何憂大業不成

書

張玉河南祥符人初為元樞密知院洪武初歸附東昌之戰燕王以數千騎繞出陣後敵圍數匝王已衝擊而出玉不知王所在突入陣大戰殺數十百人玉亦被創而歿王哭之慟師旋諸將皆待語及東昌事王曰勝負兵家常事不足計所恨艱難之際失一良輔吾至今寢不貼席食不下咽隕涕不已後既正大統行報功之典顧侍臣曰張玉才備智勇論靖難功當第一惜其早歿追封榮國公

乙未靖難兵南下駐于保定先是燕王謂朱能曰賊勢

鴟張漸來見逼莫如乘其未出先進師擊之不可坐受其

制乃戒勵將士遂出師至保定與諸將議所向眾言定州

陳張漸來見逼莫如乘其未出先進無擊之不可坐受其

制乃戒勵將士遂出師至保定與諸將議所向衆言定州

文皇專長

民新集攻之可拔王曰野戰則易以成功攻城則難于收

效况彼軍相為犄角攻城未拔頓師城下必合勢來援勝

負未可知也今真定距德州二百餘里我軍出其中賊必

出迎戰先來者擊敗之餘自膽落諸將曰二百里豈遠哉

彼合勢齊進我腹背受敵矣王曰兩陣相對勝敗在呼吸

之間雖百步之內不能相救矧二百里耶爾等勿憚試觀

吾破之○歷城侯駐兵德州約吳傑平安出真定攻北平

○以左補闕胡閏為大理少卿

閏字松友鄱陽人博學敦行太祖征友諒至鄱陽見

吳芮祠壁題竹詩幽人無俗懷寫此蒼龍骨九天風雨

大奇

來。飛騰作靈物。問得閨。立召見。里儒生也。置帳前久之。
 官督府經歷。繼事。上以直諫知名。遷左補闕。進今職。
 數預齊黃軍國議。革命日不屈死之。子傳道論死。傳慶
 戍邊。女郝奴錄教坊。變墨汚面。二十一年。釋歸無恙。鄉
 人競遺之錢穀。曰此忠臣女也。旬日饒足。年五十六
 卒。尚處子。鄉人私謚曰貞姑。嘉靖初邵銑祠祀閨。

三月盛庸及靖難兵大戰夾河。斬其將譚淵。再戰風沙大
 起。庸敗走德州。都指揮莊得楚智。皂旗張等力戰歿之。

時庸兵營于夾河。燕眾來掠其陣。陣旁火車火鉞。強弩
 戟盾。固市不可動。乃退。庸出千騎追之。燕即率萬騎薄
 庸陣。終不可動。燕步卒攻左掖。騎兵搗中堅。庸始揮諸
 軍。莊得等力戰。斬燕將譚淵。董真保等。燕小卻。文皇
 更以勁騎掩庸陣後。燕將朱能。張武等從。庸軍火器不
 及發。戰盾又中鉄積。相牽不能先後。亦小却。都指揮莊
 得。驍將楚智。被執。不屈死之。張皂旗者。力挽千斤。每戰
 輒麾皂旗先登。屢有俘馘。至死。猶執皂旗不仆。北軍異
 之。是夕戰酣。迫暮。各斂兵入營。文皇以十餘騎逼庸
 營。野宿。明旦引馬鳴角。穿營而去。將士相顧遲疑。不發。

一失。以。上。有。首。無。使。余。負。殺。以。艾。之。名。也。文。皇。總。運。管。復。嚴。陣。約。戰。燕。兵。東。北。庸。軍。西。南。自。辰。令。戰。至。未。

一矢以上有音無使余負殺叔父之名也文皇既還營復嚴陣約戰燕兵東北庸軍西南自辰合戰至未互勝負少息復起相持忽東北風大起塵埃漲天沙礫擊面庸軍中昏暗不辨只尺燕兵大呼乘風縱擊庸軍大敗踴踐死者無筭文皇追奔至滹沱河庸力走得晚遂還保德州當是時庸恃東昌之捷謂必破燕携金鈕器錦繡衣袍曰破北平張筵痛飲至是盡為燕兵所獲矣

真定諸將平安等率師駐單家橋甲中與靖難兵大戰擒其將薛祿已逸去復戰陳暉不相援安敗績

閏三月吳傑平安帥師及靖難戰于藁城敗績

初安與吳傑約合兵盛庸協戰比出真定聞庸敗乃還燕王謂諸將曰吳傑嬰城固守則為上策若軍出即歸避我不戰是為中策若來求戰則下策也乃設奇以誘之是日散軍四出聲言取糧又令校尉荷擔抱嬰兒佯作避兵奔入真定城中報云燕軍各散取糧營中無備傑等出師掩之遂出軍滹沱河王聞之大喜夜趨兵

真英主

精于兵法

豈非天哉

卷之四

已無

皇日行金

卷十二

三

渡河諸將以時日不利。王曰：拘小忌者，誤大謀。遂遣騎兵遏河上流，步卒輜重從下流渡，與南軍遇于藁城。傑等列方陣西南。王曰：方陣四面受敵，乃以軍縻其三面。悉精銳攻其東北。復自以驍騎循滹沱河，繞出陣後。傑安發火器大弩射。王矢集旗葦，叢于蝟毛，竟不及。玉時安于陣間縛樓，高數丈，登樓見內軍勝，大喜。麾軍力戰，無不一當十。王望見安樓，率精騎直趨樓。攻安，安不自持，急下樓，躡而走。會大風發屋，拔木，傑軍亂。追奔抵真定城下，俘斬六萬餘人。都指揮鄧戩、陳鵬俱被執。安傑入保真定，南兵降于燕者，悉得釋南還。自是南兵愈解體矣。王遣人送所建旗回北平，諭世子善藏之，使後世毋忘。

按白溝夾河定城，凡三大戰，皆得風助，先敗後勝。嗚呼！漢高以大風而脫圍，睢水我。成祖以大風而屢勝，成功。彼欲以力爭天下者，亦獨何哉。

靖難兵掠順德、廣平、大名，遂次于大名。○復謫齊泰、黃子澄、諭燕罷兵。○靖難兵上書請召還德、定諸師，詔大理少

卿薛祥品報之

心以虛文
飾其緩兵
之實夫誰
信之

以燕之
新豈為暑
雨灰心

卿薛崑報之

書稱臣燕王某謹奏為息兵養民事太子澄誣臣大惡
激上深誅發天下之兵殫府庫之財以中臣臣瀝忠懇
號天高不聽夫小杖則受大杖則走臣詎忍父子俱被
無辜之戮而令陛下受拒殺親王之名哉故以兵自
全誠非得已大軍之至每自推劔臣亦不敢用為喜恒
用傷悼念此元元蒼赤皆皇考所息養而奸臣一旦
盡驅之白刃之下使濺血成川暴骸蔽野嗚呼冤哉彼
實何罪比聞太子澄皆已竄逐臣一家不勝更生之慶
然臣猶未能盡釋于心者將士皆曰是直緩我耳果出
誠心則吳傑平安盛庸之衆當悉召還而今聚境侵迫
有加無已是好臣之身雖出而奸臣之計實行臣思其
言恐亦入人事之或然者也夫聖人感人至誠豚魚可孚
而况人乎書至上召孝孺視書問所宜對曰今諸軍
大集而燕兵久羈大名暑雨為沴不戰自罷若遼東諸
將入山海關次永平真定諸將渡蘆溝橋搗北平彼顧
巢穴歸援我以大軍躡其後必成擒矣我固欲緩之彼
奏適至宜且與報書往返踰月彼心懈而衆離我謀定
而勢合上曰善立命孝孺草詔言罷兵遣崑持報燕

別為榜諭數十言、刻印萬紙、授崑令散燕軍中、崑至燕軍、王問來意、崑曰、朝廷言殿下旦釋甲、暮即旋師、王怒曰、是給我也、崑惶恐不能對、將士譁欲殺崑、崑戰一伏地、王令護崑南還、

陳建曰、方黃此策、聽其言則美、施于用則疎、夫以文皇料敵如神、明見萬里、豈為區區淺術所眩、自弛其備、而使敵人得乘其敝耶、且方黃惟務集兵、不知選將、似此舉措、尤未為得、何也、天下無不勝之兵、而有不可敗之將、將非其人、雖眾不足恃也、耿炳文真定之敗、以三十萬、李景隆北平之敗、以五十萬、白溝河之敗、以六十萬、兵莫眾于此矣、然皆以將非其人、一敗塗地、眾果足恃乎、方黃不知鑒此、乃以為為投機之會、始末之思矣、

四月吳傑、平安、盛庸出兵扼燕餉道、不克、

五月燕遣武勝上書、下勝獄、

書言比荷聖明、允臣所奏、論以偃兵息民、而崑歸未十日、吳傑平安、盛庸叠發兵、絕臣糧餉、要殺臣將、校數百人、臣將士守臣約束、不敢赴闕、而傑等必欲求釁、畧不見捨、與此所下詔、背馳、誠有以中臣將士之疑、

臣自敬之計、敵一日而忽哉、恐陛下實有憐臣之心、每

臣父子之欣幸也。前日詔旨如此，今日奸臣矯制如彼。臣自救之計，敢一日而忽哉？恐陛下實有憐臣之心。每為奸臣所沮，輒復此懇，無任戰兢俟命。上覽書，歎曰：燕王本皇考孝康皇帝母弟，於朕為叔父，何必用兵為也？召孝孺諭意，對曰：陛下即欲罷兵，兵一散，即難復聚。彼或長軀犯闕，何以禦之？今軍聲方振，計捷書當不遠耳。幸無惑其言。上然之，遂下武勝獄。

調刑部左侍郎王良為浙江肅政按察使

按王良，字天性，祥符人，歷官侍郎。建文二年，問燕國人罪，從末減。左遷浙江按察使，至浙，謁岳鄂王墓，誓曰：苟愧武穆，非人也。聞變，大慟，有詔召良，良集臬司諸印于私第，方躊躇，妻問之，良曰：我分應死，未知所以處汝耳。妻曰：我何難，君為男子，乃為婦人謀乎？遂餽良食，抱其子，歛歔置池旁，自投池死。良殮妻畢，即列薪于戶，付遺囑家人，令妾抱幼子，往匿某僉事家，或曰：託之汴商，遂舉火闔室，自焚死。事聞，文皇曰：死本良分，朝廷印信毀不得，徙其家于邊，台人陳燧私識良事，輒為流涕。正德中，察使梁材，學使劉瑞，祠祀之。

對貞烈

是見任事
無人

六月靖難兵掠濟寧及沛都督袁宇率師邀擊敗績

辛酉燕遣別將李遠等南掠餉道壬申至濟寧以無備故縱燒掠至沛益甚前後燬舟萬頭糜糧無數漕卒盡散去京師大震軍糧仰給徐沛至是告窘有支吾之苦矣壬午都督袁宇率步騎三萬邀擊李遠中伏敗走

殺觀海衛指揮使張壽壽飲中言國事危急坐妖言論死

七月靖難兵掠彰德都督趙清禦却之北兵日擾城下樵

採清出兵追之輒引去于是城中乏薪毀屋以炊王遣

人招清清對使言殿下至京城但出片紙召清清不敢不

至。今。為。朝。廷。守。封。疆。其。敢。棄。命。失。職。王悅清言緩其攻

○平安率兵攻北平靖難兵還次定州平安邀擊燕將劉

江于平村敗績

安營平村離城五十里獲其耕牧燕世子督眾固守遣人如靖難師告急燕王召都指揮劉江問策江慷慨

安營平村離城五十里擾其耕牧燕世子督眾固守遣人如靖難師告急燕王召都指揮劉江問策江慷慨請且曰臣方思之高煦請與江先行江曰殿下如何兩處顧得徒團走不定為敵笑耳俄而曰臣策成矣王喜呼酒送其行江約曰臣至北平以砲響為號二次砲響則決圍三次砲響則進城若不聞第三砲則臣戰死矣臣若入城則守城軍士勇氣自倍宜令軍士人帶十砲俟三次砲响之後為殿者放砲不絕則遠近皆謂大軍繼至安軍必駭散已而果如其策安敗走還真定

遣錦衣衛千戶張安貽燕世子書

高煦及三郡王不睦于世子內臣黃儼附之孝孺言于上曰燕父子兄弟可得而間也世子見疑王必北歸王北而我餉道通事乃可圖上然之孝孺作書許王世子燕地世子得書不啓封押安俱致王所三郡王儼馳使告世子且反王疑之問高煦煦曰世子固善太孫謚未竟書至啓視遽曰嗟乎幾殺吾子

大同守將房昭引兵入紫荆關掠保定下邑駐易州水西

寨約期進攻北平、燕王聞之即日還兵援保定○限僧道田人五畝、

八月丁巳燕王渡滹沱河留其將孟善守保定○丙子真定總兵遣都指揮韋諒率兵餉饋援房昭○丁丑燕兵圍水西寨遣別將朱榮圍定州

九月甲辰燕兵攻定州○都督平安進攻北平不克還次真定、

十月平安等遣都指揮花英鄭琦率步騎三萬援昭水西寨燕王自定州馳還英等列陣齊眉山下、王潛兵出英陣後合戰英琦及都指揮王恭指揮詹忠等俱被執房昭

韋諒脫走遂失水西寨靖難兵還北平○從慶王于寧夏

後公口戰英琦及都指揮王恭指揮詹忠等俱被執房昭

韋諒脫走遂失水西寨靖難兵還北平○徙慶王于寧夏

十一月遼東總兵楊文攻永平不克出兵攻昌黎遇燕將

劉江戰敗指揮王雄等七十一人皆被執○命兵部右侍

郎徐厓招集兩浙義勇○平安敗靖難兵于楊林○韃靼

通燕寇鐵嶺○皇少子文圭生

靖難後廢為建庶人幽中都廣安宮入禁甫二歲其後

英宗復辟之年憐庶人無罪久繫禁欲寬之李文達公

賢從旁贊曰堯舜心也叩首請行英宗遂請于太

后出之鳳陽歲給薪米聽婚娶出入自便又撥閹者二

十人婢妾十餘輩給使令遣奄牛玉入禁諭庶人庶人

伏地頓首且喜且悲年已五十餘矣不識牛馬當出禁

時有以他虞沮者英宗曰有天命者任自為之詔稱

朕承祖宗大統欲天下羣生咸得其所而况宗室至

親也哉憫此遺孤特從寬

貸詔下人人感歎盛德云

馬代贖

十二月丙寅燕師復出北平。○駙馬都尉梅殷鎮守淮安。

按梅殷汝南侯思祖從子尚高后長女寧國公主有謀能騎射天性恭忠最為太祖愛幸受密命輔上

以誓劔一遺詔一付之既守淮安悉心防禦燕王來假道殷拒之曰。皇考有遺詔。王怒遽更書言朝廷

信奸我欲除之耳殷割使人耳鼻口授荅詞曰留汝口與殿下言君父恩義不可忘。王不得道乃渡泗水破

盱眙出六合革命日殷聞變大驚勸欲死。王迫公主齧指血為書以招殷殷歎曰君存與存君亡與亡吾姑

忍俟之見文皇皇曰駙馬勞苦對曰勞而無功。文皇恨之二年冬陳瑛言殷有私謀又詛說幾得罪明年

冬殷仇家都督譚深指揮趙曦令人擠殷死笮橋下曦又誣殷自投水死都督許成懷不平發其實。文皇怒

罪兩人兩人曰上命也益怒立命力士持金瓜落兩人齒斬之謚殷榮定公公主疑出上意牽衣大哭問

駙馬安在。上咲解之以二子順昌為中府都督景福旗手副指揮僉事。

以武選司郎中古朴為右侍郎

詔吏部試翰林史官楊士音等以次錄用仍留士音于翰

以武選司郎中古朴為右侍郎

詔吏部試翰林史官楊士奇等以次錄用仍留士奇于翰

林○改程本立為江西肅政按察副使肅政建文所易○燕兵日

南。

革除遺事云靖難兵起三年所得惟北平永平保定三府至是中朝有密約內應者謂須直搗京師天下可定文皇深然之既正位不次拔擢

進遼府紀善程通長史○龔泰為禮科都給事

按通字彥亨績溪人初為太學生洪武中舉應天鄉試時遣諸王行邊以封建發策通對拜遼府紀善既進職隨王徙荊州有衛士紀綱者幸王通數辱之革命日綱入賀留用錦衣衛通曾上防禦北兵數干言指斥不避綱因間言之遂械通至京論死家人戍邊簿錄其家得田數十畝書數百卷龔泰字叔安義烏人洪武十九年鄉薦入太學吏部策試第一除戶科給事中建文三年遷都給事文皇渡江泰與妻訣曰事至此我自分死汝

第携幼穉歸。否則俱溺井。無辱已。被報以非奸得釋。自投城死。

太祖高皇帝實錄成。○以徐真馬溥為左右府都督。克參

將率偏師北進。○更定六科給事中品級。及更定倉官黜

陟之刑。

國勢危迫至此何竟悠悠于不急之務

壬午建文四年舊為洪武三十五年是年六月己巳文皇即位

正月命魏國公徐輝祖率京軍往援山東。○都督平安復

通州不克。指揮賈榮等兵敗于衡水。○靖難兵攻破東南

及東平。指揮詹璟被執。吏目鄭華死之。

一念自靖原不以職

之崇卑為厚薄也若

鄭華初為行人。元年註誤。諱東平吏目。兵起。輒謂妻蕭曰。吾必死義。奈親老。汝少何。妻泣對曰。惟君所命。華因托家友人無錫丞趙次進。北兵薄城。時諸長貳悉弃城走。華獨慨率吏民憑守之。力不支。請援山東。又不至。

無志于志五日死。

無惡子志
難生死之
際然啗更
難吾將起
趙丞而拜
之

乃不食
五日死。

靖難兵攻汶上都指揮薛鵬被執攻沛指揮王顯叛降知縣顏伯瑋及主簿唐子清典史黃謙歿之

伯瑋江西廬陵人唐顏真州之後洪武末知沛北兵所過皆歸附瑋集民兵備禦以死自誓既而北兵駐沙河轉攻沛伯瑋令弟瑄次子有為還曰汝歸白大人子職弗克盡矣北兵入城顯迎降瑋冠帶升堂南拜慟哭曰臣無能報國遂自經死其子不忍去復還見父尸亦自刎

胡先悉葬之南關外瑄走告兄之友晏壁為傳其事唐子清得民愛黃謙果敢能戢下兵入被執俱不屈而死正統中御史彭勛為瑋起墳并立祠又有獻縣令向朴者慈谿人遵慈湖之學篤行能養洪武中應訪材知獻時兵荒後朴闢荆榛教農桑流移復歸民安其治獻當兵衝朴以忠義鼓激士民力不足懷叩綏以死民哀而葬之嘉靖間祀朴鄉賢

二月內師集濟寧餉卒潰于鄒縣靖難兵攻徐州○更定

緩着尚書以下勲階、

三月甲申燕兵自徐州進攻宿州平安率精兵四萬為先
鋒追躡之壬辰燕王至渦河安進至淝河遇伏戰敗胡騎
指揮火耳灰哈三帖木兒皆被執安等駐宿州燕將乃斷
徐州餉道○燕兵攻破蕭縣知縣鄭恕死之

恕字本忠仙居人善詩書畫性廉介蕭然斗室日與學
徒講論風高一時寧波知府禮聘為昌國訓導陞蕭縣
民愛敬之燕破蕭之後藉
其家二女當配自求死焉

四月安及靖難兵戰于小河敗之時安軍小河亘十餘里
張左右翼緣河而東遇燕騎兵一戰斬陳文再戰斬王真
燕王嘗曰奮勇如王真何功不成燕王見失兩將兵兩

八
之五
欲力自督戰安操長鎗追及之忽馬蹶不前燕番將王獻

河非計。且曰漢高十戰九敗終有天下。奈何一挫生心。

王然之下令曰欲渡河者左諸將多趨左王大怒曰任

汝所之于是諸將不敢復言還當是時王已不解甲數

日矣會京師傳言靖難兵北歸上以京城不可無兵乃

召輝祖還京何福孤軍無援遂不能禦。

陳建曰兩敵相持貴進退。朱能勸進而輝祖召還南
北成敗之機亦可以觀矣。謀臣自古繫安危齊黃方練
諸臣徒爾驚忠而知兵非
朱能匹也。何往而不敗哉。

何福諸將及靖難兵大戰于靈壁收績指揮使宋瑄力戰

死之福走都督平安陳暉馬溥徐真都指揮孫成等禮部

侍郎陳性善大理寺丞彭與民欽天監副劉伯完指揮王

次頁坐亦百五十餘人皆被執執性善死之時平安營于靈壁會

資等百五十餘人皆被執。性善死之。時平安營于靈壁。會
燕王遣萬人遮餉道。而高煦伏兵林間。安率馬步六萬護
餉。突至。殺死燕兵千餘。燕王麾步軍橫擊。斷為二。遂亂。
何福出壁來援。與安合擊。殺燕兵復數千。却之高煦伏起。
燕王還兵來戰。福遂敗。奔入營。堅守。下令。明旦三砲突圍。
出師。就糧于淮河。庚辰。燕軍三震砲攻營。福軍誤謂已砲。
競趨門塞。不得出。營中紛擾。人馬墮濠。塹俱滿。營遂破。安
及諸將及監軍等悉被執。福單騎脫走。王縱性善等南
還。性善朝服躍入河死。自是南兵益衰。識者知金陵不守
矣。

宋瑄，鄆國公晟長子，建文初為右衛指揮，靈壁之戰先
 登，斬首數級，諸營敗，猶格鬪，力屈死。晟卒，時已改封西
 寧侯，兵部上瑄子係長孫宜嗣。文皇惡瑄，侯瑄弟璉
 陳性善，山陰人，洪武中進士。太祖稱君子人，以行人
 入翰林檢討，初劉基卒，太祖索秘書，基子璉出觀象
 玩占獻上，性善等侍。太祖繙錄威嚴下手，顛不成字，
 性善獨安雅，書法端楷，悅之。賜酒久之，陞禮部侍郎。
 上初即位，特召坐問治天下之要，且使手書以進，性善
 盡所欲言，多從之。然輒為奉行，沮格。性善時時質
 上前。上引過，賜絹百匹。既死，義。文皇追戮其尸，徙
 其家于邊，尋赦還。彭與民萬安人，以貢授兵科給事中。
 累至今官，北征時，推與民有風裁，知兵略，命督察諸
 既被執，遣歸，與民慙憤，裂冠裳，弃去，表忠錄稱後逮，
 王資逮死，劉伯完精占侯，又精回回曆法，故置軍中，被
 執，得釋去，
 莫知所終。

吐蕃寇陷保寧所

五月遼東兵潰于直沽，非兵南來，上用齊黃謀調遼東

共十萬至濟甯與鐵鉉合力以絕非兵後總兵楊文帥之至

五月遂東兵潰于直沽北兵南來上用齊黃識調遼東

兵十萬至濟與鐵鉉合力以絕北兵後總兵楊文帥之至直沽遇燕將宋貴等截殺遂潰竟無一人至濟南者○靖難兵至泗州守將周景初叛降○靖難兵渡淮大將軍敗績遂克盱眙縣

時庸率馬步騎數萬戰艦數千列營淮南燕營淮北丘福朱能等以小舟潛濟出庸後庸軍駭走盡弃其戰艦軍資北兵遂渡淮駐南岸遂攻下盱眙縣



守淮河兵部主事樊士信死之○諸將分屯鳳陽淮安靖難趨鳳陽知淮安府徐安邀阻之不克靖難兵至天長遂至揚州守將崇剛御史王彬死之時燕兵既渡淮王會諸將圖所向或謂先鳳陽徑趨滁和渡江或謂先淮安自

高郵以達揚真即渡江可無後顧虞王曰不然鳳陽樓櫓堅完所守既固非攻不下恐震驚皇陵淮安高城深池粟饒兵衆攻之不下曠日持久屈威挫銳援兵一集非我之利不若直趨揚州儀真當是時徐安守鳳陽毀橋斂舟以斷來路梅殷守淮安不肯假道又都督孫岳備禦甚嚴也

徐安，鄞人，洪武中舉人材官，知濟南府，調鳳陽，靖難兵自儀真趨京師，奇兵間道從靈壁山，鳳陽渡河，安諜知之，折浮橋絕舟楫，拒守，北兵彊，獲漁舟以濟，後安歸田，逾年舉遺逸，復任數載，戚里奏安庇細民，奪庄田，文皇怒曰：朕昔尚為困，况若曹乎！逮安論戍雲南。○王彬，充之，東平人，洪武中進士，為監察御史，奉命巡江淮，治揚州，北兵至，崇剛練兵濬濠，晝夜不懈，彬一倚任之，會旨，暉王禮有二心，欲降燕，彬與剛覺之，執禮及其黨

繫徐安外，禦內防七日，甲不解，常應以千斤力，士燕路千

子莫留

繫獄彬外禦內防七日甲不解常隨以千斤力士燕將
飛書城上有縛王御史來降者官三品禮弟宗厚略干
斤力士毋誘力士出適彬解甲浴盤中為千戶徐政所
縛昇至城上投燕兵中不屈死政遂出禮等時江都知
縣張本欲守節不附其毋曰天命也可違乎遂與政以
城降本故不善剛剛亦不屈死剛揚州世指揮也正德

中祀彬名
宦本州

靖難兵至儀真○詔天下勤王 詔曰燕兵勢將犯闕中

外臣民坐視予之困苦而不予救乎凡文武吏士宜即日

勤王共除大難宗社再安予不敢忘報詔下京城內外臣

民無不慟哭者○遣刑部侍郎金某禮部侍中黃觀國子

祭酒張顯宗翰林修撰王叔英等分道徵兵入援觀等奉

詔奮不顧家然已無及矣○復召齊太黃子澄○蘇州知

皇明從言錄 卷十二 三

府姚善寧波知府王璉率師勤王

姚善字克一安陸人。有志行，學識超邁，多忼慨氣。工詩，喜士，洪武中鄉舉，歷官所至有能績。及知蘇州，因俗救正。張弛合宜，蘇以大治。尤好造請，請獻賢訪治道。如王賓、韓奕、兪貞木、錢芹皆高隱，亡不折節下焉。善留心國難，密結四郡訓練民兵，同効力。已奉詔督蘇松嘉常鎮之兵，未及戰，會變。文皇索子澄甚急，子澄避善所，約共航海。善謝曰：「公朝臣，可四往號召，圖興復。」善職守土，義當與城存亡。子澄遂去，善為摩下許千戶縛獻。文皇

大節下然

明王不可
以清求

曰：「若一郡守敢舉兵抗我，善厲怒不遜，死之。」時年四十三。子節，謫戍賀，幼子繼兒，配蘇州保兒習匹局。正德中，湖廣巡撫秦金祀善鄉賢。蘇州有姚黃二公祠，祠善子澄也。或議當去子澄，配常熟錢鉞，亦有見。○王璉字器之，日照人，通經史。尤長春秋，洪武末以賢能薦授寧波府。潔廉峭峻，杜私謁，革吏胥弊，絕豪武人，故常取恨。衛吏卒璉一日見魚肉兼饌，怒庖後撤而命啖之，號羶羹。太守燕兵逼淮上，璉多方料理，造大船，欲取海道，趨瓜州，截北兵，衛卒朋謀縛璉至京。文皇問造船何為，璉不少遜，對以實釋。還州里終焉。○衛輝知府孫鎮合配

人中洪武中制科壬午抗節不附
無策甚矣
謫戍山海後薦起上饒丞不就

遣慶成郡主如靖難兵議和時北兵已入儀真孝孺曰事

迫矣得骨肉之親往許割地可稽數日援兵幸至相與決

戰江上北兵不長舟楫事未可知也乃以太后命命慶

成郡主往請割地分南北燕王笑曰直緩我耳行將與

諸弟妹相見無多言也○理問徐讓縣丞衛健使燕還以

為衛鎮撫軍前差遣

江

語妙絕
千古

徐讓官山西布政司才氣磊落有口辨衛健官孝義縣
讀儒書達吏事膽分過人見王請熟思之不聽後闖歿
刑部尚書侯太轉餉淮安革命日論死○徽州知府陳彥回糾

衆勤王前詳○樂平知縣張彥方糾衆勤王死之○前永清

興史周縉糾衆勤王

張彥方龍泉人建文元年以給事中乞便養改知縣勤王兵至江上為燕游兵執至本縣梟首樵樓暑月經旬如生面無蠅集父老竊葬縣治清白堂之後○周縉字伯紳武昌人廉謹而能糾義旅勤王戎器畧具聞變匿民間后械至京謫興州子代還年八十終于家

六月癸丑朔靖難兵至浦子口盛庸諸將逆戰敗之命都督僉事陳瑄率舟師援庸叛降燕兵部侍郎陳植歿之

文皇浦口之敗欲且議和北還會高煦引胡騎至大喜遽起按甲仗鉞撫煦背曰勉之太子多疾于是照殊死戰

文皇率精騎直衝庸陣內軍小卻上方遣都督僉事陳瑄率舟師往援庸瑄乃降燕時兵部侍郎陳植督師江上麾下謀迎降金都督首欲叛植以大義責之

遂為所殺金率衆降燕且邀賞文皇立誅之其棺斂植遣官護葬

下白石山下

景世大權

燕得陳瑄降遂渡江盛庸率海艘出高資港嚴陣以待

燕得陳瑄降遂渡江盛庸率海艘出高資港嚴陣以待

王奮力先登大戰庸敗走○鎮江守將童俊叛降燕○真

申靖難兵至龍潭遣李景隆茹瑄王佐如靖難兵議和分

遣諸王守城門

景隆往伏地稱臣述天命推戴得還甚恐上復令同

諸王往文皇曰勿多言不得奸臣吾必不巳諸王歸

言狀上會羣臣慟哭或勸幸浙或勸幸

湖湘孝孺請堅守京城以待四方之援

魏國公輝祖開國公昇分道出師禦戰昇後安置死國除○甲子

遣人齎蠟書四出趨援兵為燕騎所獲○乙丑靖難兵門

于金川上書皇太后○李景隆及谷王橈開門迎靖難

師入城門卒龔詡慟哭去之京師大譁

文皇率兵直薄金川時谷王與景隆守金川谷王登城
望見輒開城門文皇遂入京與谷王周王等連轡而
進初有道士歌于塗曰莫逐燕莫逐燕逐燕日高飛高
飛上帝畿已而忽不見按龔詡字大章崑山人年十七
為金川門卒夙有志慨宣德中詡以好學成名鄉里巡
撫周忱兩薦為本邑學官辭曰詡即仕無害于義但負

往時城門一慟耳既卒門人私謚安節先生又有燕山
衛卒儲福無錫人弱冠好義壬午孛母妻逃去已而挨

購在錄調曲靖衛舟行次忽仰天哭曰福雖一介賤卒
義不為逆竟不食死婦范營葬養其姑守節以死里人

祀之。

遷矣

帝手誅徐增壽于左順門靖難兵薄金川時左都督增壽

謀迎降監察御史魏冕率同僚十八人即殿前毆之幾死

會輟朝冕及大理寺丞鄒瑾當陛大呼請速加誅臣等義

不與此賊同生不聽至是上大恨手刃之欲并誅景隆

此二人者

身無一命

之害而力

喘大義于

天下義我

公候其謂

之何

不果

不與此賊同生不聽至是上大恨手亦之欲并誅景隆

不果

得秀時
身死輕

冕永豐人勁直有才既延殿謀降者明日諸臣多迎附冕曰即收節必不為時用徒自污耳遽自殺已而法官希旨追罪夷錄其族時同邑鄒朴以御史歸省聞冕死憤不能食竟卒稱永豐雙烈云

大内火 帝以崩聞皇后馬氏暴崩時六月十三日也城

中如沸 上倉遽不知所出諸内臣譁言不如遜去 上

弗聽欲自殺程濟告以祝髮出亡可免難從之

或曰上方急時一官捧太祖遺篋至曰曩受命嬰

大難則發發得楊應能度牒及髡緇程濟曰數也可奈何

何立召主錄僧溥洽為上剃髮從水關出宮中火烈

甚傳言上崩而實遜去濟從亡文皇即位後心嘗

疑之密索不得又疑匿溥洽所三年以他事錮洽凡十

二年得釋命給事中胡濙徧訪張儼傷跡上所至又遣

太監鄭和等造船募士下西洋物色之竟不得相傳建

文遜去先入蜀未幾入滇嘗往來廣西貴州諸寺中正

統庚申、出滇南、語寺僧曰、我建文皇帝也、寺僧大懼、白
官府、迎至藩堂、南面跌坐、自稱原姓名、曰、前胡給事名
訪、張儼、傷實爲我、衆聞之、悚然問所欲、曰、我願歸骸骨
鄉土耳、以聞于朝、乘傳至京師、則老僧也、寓犬興隆寺、
拜謁無虛日、有以惑衆請者、朝廷不忍、命太監經侍當
時、吳亮往審視、一見亮、即曰、吳亮耶、亮曰、非是、曰、我御
便殿食子鵝、遺片肉于地、汝戲餽之、豈遽忘乎、亮伏地
哭、不能仰視、既復命、夜縊死別室、于是迎入大內、號稱
老佛、以壽終、葬西山、不封不樹、帝嘗賦詩曰、牽落西
南四十秋、蕭蕭白髮已盈頭、乾坤有恨家何在、江漢無
情水自流、長樂宮中雲氣散、朝元閣下雨聲收、新蒲細
柳年年綠、野老吞聲哭未休、士庶至今傳誦之、又有貴
州金竺長官司題壁詩曰、風塵一夕忽南侵、天命潛移
四海心、鳳返丹山紅日遠、龍歸滄海碧雲深、紫微有象
星還拱、玉漏無聲水自沉、遙想禁城今夜月、六宮猶望
翠華臨、其二曰、閱罷楞嚴磬懶敲、笑看黃屋寄曇標、南
來瘴嶺千層迥、北望天門萬里遙、歎段久忘飛鳳翥、袞
裘新換袞龍袍、百官此日知何處、惟有羣鳥早晚朝、前
帝咏新月詩、太祖默然、既而曰、幸免于難、竟驗云、

安王楹及文武群臣兵部尚書茹瑳等奉迎乘輿勸進

是日文臣迎附知名者吏部右侍郎蹇義戶部右侍郎夏原吉兵部侍郎劉儁古朴刑部侍郎劉季篔大理少卿薛崑翰林學士董倫侍講王景修撰胡靖季貫編修吳溥楊榮楊溥侍書黃淮芮善待詔解縉給事中金幼孜胡濙吏部郎中陳洛兵部郎中方賓禮部員外郎宋禮國子助教王達鄒緝吳府審理副楊士奇桐城知縣胡儼後多至大位或列諸名臣云

燕王遣人布告天下各處召募丁壯悉令解散復業○御史葉希賢郎中梁田玉四十餘人遊行

敖英曰靖難師駐金川門是夕御史給舍郎四十餘人縱城引去選者以聞文皇置不問已而軍衛繫之纍纍相繼以獻懼死者輒歸附復其官兵部綁縛冊可見然烏舉雲匿亦已多矣遺事所載雪菴和尚補鍋匠及河西傭其此類與

覆法

雪菴和尚名暨不知其姓當變時和尚方壯年被剃走
 西南重慶府之大竹善慶里山水奇絕和尚欲止之其
 里隱士杜景賢知和尚非常人遂與之游往來白龍諸
 山見山旁松柏灘灘水清駛蘿篁森蔚和尚欲寺焉景
 賢豪有力亟為之寺和尚率徒數人入居之昕夕誦易
 乾卦山中人固謂佛經景賢知之不忍問懼不能安和
 尚和尚亦知景賢意改誦觀音經寺因名觀音寺和尚
 好讀楚辭時時買一冊袖之登小舟急棹灘中流朗誦
 一葉輒投一葉于水投已輒哭哭已又讀葉盡乃返眾
 莫之知景賢益憐敬之終不問和尚和尚好飲不戒日
 注酒一壺俟客客至輒飲不則拉樵牧豎入飲半醲呼
 豎兒和歌歌竟瞑焉而寐和尚頽而秀爽指柔白翦翦
 落筆成章不甚工然意氣渙發又能感愴人或曰和尚
 為建文時御史死之日其徒問師即死宜銘何許人和
 尚張目曰松陽問姓名不答存詩若干篇○雲門僧在
 會稽之雲門寺每泛舟賦詩歸則焚之咸知其避流也
 終不得其姓名○河西傭無名姓文皇入京時傭被
 葛衣遽走其冬至金城行乞市中金城邊地極寒傭常
 衣葛明年過河西依莊浪豪魯家為傭取直積買羊裘
 被之雖極寒必以葛衣覆之葛益破縷縷不肯縫夏即

衣新布故葛衣必覆其上人間不答錢傭有餘走市
 買牛肉酒與諸乞兒飲卷作時輒自吟哦或夜聞其哭

衣新布。故葛衣必覆其上。人問不荅。錢稍有餘。走市買牛肉酒。與諸乞兒飲。倦作時。輒自吟哦。或夜聞其哭泣聲。永樂中有留都官從宋總兵至莊浪者。識備。欲與語。備走。南山避。旬月官去。乃還。官亦不語人。居數年。病且死。呼主人謝。囑曰。我死。勿殮我棺。幸西北風起。即火我。無埋我骨。曾家從其言。○補鍋匠。無姓名。往來夔慶間。業補鍋。所至州邑。不過三日。即去。去或復來。有從學補鍋者。教之。不索謝。但令負擔從。或後學者至。即遣先學。亦如是。數年。人呼為老補鍋。匠錢布粟。不擇受。當食時。與食。即不復索財。稍稍囊積。遇風雨寒暑。輒不出買酒飯。自酣飽。常寄宿蕭寺中。忽夔州市中逢馮翁者。二人相顧。愕然。已而相持哭。哭已。相率入山巖中。坐語竟日。又相持哭。且別去。言永訣。不復相見。後不知所終。○東湖樵夫。居臨海。東海上。日負柴入市。口不二價。新詔至。臨海湖上人競入縣庭聽詔。或歸語樵。新登極。樵愕然曰。舊帝安在。曰。自焚矣。樵慟哭。擲擔投河。死。

北平屬州縣官朱寧等弃去二百九十有一人。○翰林修

撰王良、太常少卿廖昇、大理寺丞鄒瑾、監察御史魏冕、衡

府紀善與修實錄、周是修死之。○燕王榜收左班官員曰

奸臣

黃子澄、齊大、陳迪、練安、方孝孺、黃觀、鄒瑾、胡閏、郭任、盧迥、侯太、暴昭、陳繼之、鄭賜、黃福、尹昌隆、張統、毛太

董庸、曾鳳詔、王度、高

凡二十五人右前榜

王鈍、黃魁、戴德、

紹、魏冕、宋徵、巨敬

叔英、周是修、盧振、顏伯瑋、張昂、卓敬、鐵鉉、謝昇、龔太、茅大、芳、陳彥、回、鄭恕、宋忠、姚善、胡子昭、周璫、葉惠、仲、高不危、廖

鏞、徐

輝祖、凡二十六人右續榜、仍以方孝孺為首、二榜共五十

一人、出賞格收之、官民人等、緋縛諸臣來者、首從爵有差

自是擒獲得官甚衆、乘機讐劫者、紛紛雖禁之、弗止也、既

而鄭賜、王鈍、尹昌隆、自愬、復并釋張統、統卒死之、景隆指

黃福為奸、福曰、臣誠死罪、但自為奸、則非、亦宥之、餘俱狗

附錄矣、○太子澄起召未至奔、

死矣。○太子澄赴召未至奔。

太奔廣德子澄奔蘇州日徒死無益不如他之以為後圖。

失驚曰何後圖之有仰天椎心向闕立自決其庶矣哉被執然後死雖不屈晚矣。

燕王發喪治葬命如禮。燕王清宮三日詰問。上所在

宮人指后尸應焉。王遽出尸煨燼中伏而哭之曰。小子

無知乃至此乎。用王景彰議禮葬之時宮人遭戮略盡。惟

得罪建文者留耳。○翰林院文學博士方孝孺衰杖哭闕。

下。○帝位虛凡三日。丙寅丁卯戊辰

已巳。燕王謁。孝陵還。即皇帝位。是日復周王橐齊王

樽爵土。○壬申葬。建文皇帝。○命復洪武舊制。○革除

建文年號稱洪武三十五年未改元也○遷興宗孝康皇帝主

於陵革去廟號仍稱懿文皇太子遷呂太后于懿文陵○

改封懿文太子第二子吳王允燧為廣澤王居漳州第三

子衡王允燧為懷恩王居建昌第四子徐王允熲為敷惠

王隨母呂氏居懿文陵尋復允燧允熲為庶人允熲改甌

寧王後三人皆不得其死○追封都督徐增壽為陽武侯

謚忠愍上憫增壽之死痛悼不已故即位首褒封之尋

追爵定國公子孫世襲一門兩公國朝武臣鮮與儷焉○下魏國公徐輝

祖于獄

時武臣無不歸附者惟輝祖不屈上親召問不答一語始終無推戴意法司追取伏昭輝祖默然惟書

開國功臣之子孫免死上大怒然以元勳國舅欲誅輝祖

開國功勞子孫免死。上大怒然以元勳國舅欲誅輒
中止徘徊久之竟從寬典止勒歸私第革其祿米而已

召淮南總兵駙馬都尉梅殷還京。詳前○齊太被執至族

誅之幼子甫六歲給配時詔抄奸臣九族外親之親以大

為首高墉等二十六戶皆就逮抄沒充軍先發典州屯衛

次年調遼東三萬衛又一年發甘肅衛多道死者○黃子

澄被太倉衛百戶湯華等綁至京族誅之從子文富福遠

等六十五人皆死逮其九族外親四百餘人皆發充軍○

族誅右副都練子寧○下方孝孺獄既而族誅

先是姚廣孝囑文皇南下必勿殺孝孺孝孺必不降

活之以勸天下好學者文皇領之既革命驟來召不

赴逼之袁經號闕下文皇諭曰我法周公輔成王耳

奈成王不在何曰成王子固在文皇曰國賴長君曰

何不立成王之弟。忤旨繫獄。捕族黨。輒下獄。惕之。已欲
草詔召出。孝孺自獄。哀經見。哭聲徹殿陛。文皇降榻

勞曰。我家事耳。先生無過勞苦。授筆札曰。詔天下非先
生草不可。孝孺大批數字。投筆于地。復大哭。且哭且罵。

曰。死即死耳。詔不可草。文皇大怒曰。汝不顧九族乎。
孝孺曰。便十族奈何。罵哭益厲。文皇震怒。遂磔諸市。

罵不絕口。有絕命辭曰。天降亂離。孰知其由。奸臣得
計。謀國用猶。忠臣發憤。血淚交流。以此殉君。抑

又何求。烏乎哀哉。庶不我尤。時年四十六。詔收其妻
鄭。鄭先經死。宗族坐死者八百七十三人。母族林彥清

等。妻族鄭原吉等。五服之親俱盡。及游黨鄭居貞。盧
原質等。門人鄭公智。林嘉猷。廖鏞等。蓋方黃之獄。族夷

十數。殺及萬人矣。孝孺和而貞。事親孝。篤于師友。克勤
被謫。戍上書。乞以身代。宋濂葬夔州。自漢中走。往祭墓

告。蜀王恤其孤。娶志慕。不欲見之。行事不得竟其效。所
著有遜志。彙集四十卷。周禮考次。大易枝詞。武王戒書

注。帝王基命錄。文統。宋史要言。宗儀九篇。及箴誠等。洪
熙初。詔從寬典。立祠祀焉。或曰。錄方氏時。得典史魏澤

周旋。匿其幼子。以故。方氏尚有後。謝文肅公詩。孫枝一
葉是君恩。謂此。○廖鏞。巢縣人。德慶侯永忠孫。官都督。

其魯師事孝孺。論之。孝孺曰。汝讀書幾年。尚不識
此字。既孝孺死。廖兩子拾其遺骸。葬聚賢山。遂收

神速苟持久寧耐彼勢已就有坐困耳上聞而惡之故戮○初群議討諸藩悉不及燕惟敬密奏燕王智

勇超絕且據強地宜徙封南昌以絕禍萌疏上不用至是執敬上謂道衍曰向者奸臣皆謀害朕惟敬欲徙

封內地建文君聽其言于戈息矣道衍曰不然南昌地居下流金陵加兵特囊底物耳敬言誠用豈有今日哉

遂戮敬

陳建曰二子之言皆忠謀良策而建文一不能用獨非天耶

族誅兵部尚書鐵鉉禮部尚書陳廸刑部尚書暴昭詳前注

陳建曰靖難數年之爭戰以及奸黨族親之誅逮宇宙一大禍變也雖由人事實亦天運劉誠意錄所謂殺運

猶未除者于此徵矣

七月壬午朔大祀天地于南郊○大赦惟名在奸臣榜者

不宥○罷學士董倫以侍講王景為翰林學士○擢前燕

府長史金忠為工部右侍郎○詔吏部及翰林院舉文學

府長史金忠爲工部右侍郎。○詔吏部及翰林院舉文學
行誼才識之士。○召待詔解縉、中書舍人黃淮、立御榻左
備顧問。

縉英傑敢言。上素聞其名，遂見信用。淮入見。上與
語，大奇之。凡視朝，特命二人侍左右。時上以初登極
萬幾叢委，日御奉天門左室，每夕召對，至夜分，或
便殿就寢，賜坐榻前，議論政事，回列不得與聞。

以都督李增枝、節制荆襄、瞿塘、安陸兵備。○命工部尚書
嚴震直等巡視河北諸省。○召前北平按察使陳瑛至京，
以爲副都御史。初，瑛坐交通藩邸，謫廣西。上即位，首召
用之。瑛請追戮建文黃觀諸臣。上不許。

八月，歷城侯盛庸、安戢、山東都督劉貞守遼東，征虜前將

軍何福鎮守陝西、都督韓觀練兵江西、西平侯沐晟守雲南、○吏部尚書張統暴卒、上臨朝詰問建文中變亂官

制、顧侍臣太息曰、只是羣臣散官一事、前代沿襲行之已

久、何關利害亦欲改易、且陵王未乾、何忍紛紛為統懼自

縊、○以蹇義、夏原吉為吏戶部尚書、宋禮禮部右侍郎、

原吉自福建召回、上欲大用、或沮之、上曰、原吉、父皇太祖臣也、彼忠于太祖、故忠于建文、義豈不忠

于朕哉、逾月、遂擢戶部尚書、○張統罷、蹇義代之時、盡改建文諸例、復洪武故、義從容言于上曰、鑒成憲者、

豈無因革、反亂政者自有經、權間舉數事、陳說本末、上喜義忠實、從其言、或遂諧其不忘建文、上不聽、

左僉都御史景清犯駕、磔殺之、詳前○始開內閣于東

閣門內、以待詔解縉為侍講、中書舍人黃淮為編修、直文

淵閣、諭以委任腹心、至意專典機密、雖學士王景不得與

淵閣內以待詔解繹爲侍講中書舍人黃淮爲編修直文

淵閣諭以委任腹心至意專典機密雖學士王景不得與

焉尋復以胡靖爲侍講楊榮爲修撰楊士奇爲編修金幼

孜胡儼爲檢討七人並直文淵閣時機務孔殷每旦百官

奏事退內閣大臣造辰前進呈文字商機密承顧問率漏

下數十刻始退

七人江西五福浙各一縉吉水清盧陵士奇太和幼孜新淦儼南昌榮建安淮永嘉

○逮谷府長史劉璟至京下獄自經死上既登極璟臥

家不起上欲用之罪以逃叛親王逮繫之臨行親戚餞

之戒曰皇上神武何止唐文皇先生忠良允爲魏徵可

也蓋順天心毋自蹈刑劓璟瞪目曰爾謂我學魏徵耶吾

死生之分決矣至京授以官不受對上語猶稱殿下遂

下獄自經死

按當時死事諸臣外無非藉口魏徵而劉仲環乃薄之而不為耶士固各有志也嗚呼承順則富貴刻期拂逆則誅夷立至而一時之臣徃徃其死如飴富貴若免我國初人心風俗自商頑民後僅再見之矣

九月四日大封靖難功臣○丘福淇國公歲祿二千五百

石朱能成國公歲祿二千二百石張武陽城侯鄭亨武安

侯火真同安侯顧成鎮遠侯王聰武成侯並食歲祿一千

五百石陳珪泰寧侯孟善保定侯郭亮成安侯並食歲祿

一千二百石王忠靖安侯徐忠永康侯張信隆平侯李遠

安平侯千石徐祥興安伯徐理武康伯唐雲新昌伯趙彝

忻城伯陳旭雲陽伯張輔子玉信安伯譚忠子淵新寧伯千石

以上並世襲房寬思恩伯食祿八百石世襲指揮使房

城伯陳旭雲陽伯張輔子信安伯譚忠子新安伯千石

以上並世襲房寬思恩伯食祿八百石世襲指揮使房

富昌伯千石劉才廣恩伯食祿九百石子孫世襲指揮使

知李景隆茹常忠誠伯食祿一千石以終本身王佐順昌

伯陳瑄平江伯食祿一千石子孫世襲指揮使駙馬王寧

永春侯不附權貴以權誣陷故封世襲餘將士論功高下

陞賞有差

王世貞曰文皇帝以建文之四年七月下京師即大

位因其年為洪武之三十五年又二月制詔吏兵部差

次從靖難功臣遂封淇國等二公城陽侯等十三侯興

安等十一伯已又錄降附功增曹國公歲祿封永春一

侯忠誠等三伯明年封駙馬都尉袁容等二侯遂追舊

功封豐城一侯寧陽等五伯三年復追舊功進封新城

侯至是靖難封始寃論平安南功追封新城西平二侯

皆為公增豐城侯雲陽伯祿各五百石已進封清遠一

讀之燁燁

然真巨手

擊若以學

更濛而病

之即今之

以粗率為

韓蘇以艱
深文其淺
陋爲子書
者又自如
故

平心尚論
感慨係之
可激者獨
爲登
正之舉
上則不濫
而下不昂
矣

侯安遠建平二伯終文皇帝之世。凡再大封。至睿
皇帝之元年。論奪門迎駕功。進武清侯爲忠國公。封太
平一侯。興濟文安等四伯。已又封武功一伯。自是終諸
帝世。僅一大封。而其它破軍殺將。戡亂僞工之特封者
不與焉。嗚呼。靖難諸將。臣從藩邸起。以一旅之師。揮九
之地。出萬死者三載。而遂定宗社于太山之固。此其績
誠巨。然英主實在軍。攻堅履危。斷自神授。又大戰不退
十餘。所定軍府不過三四而已。毋論中山開平。其視曹
衛宋穎而下。抑何徑庭也。定興之掃安南。固自偉。亦何
能超穎川之下。滇蜀。且久復失之。今高皇帝之盟白
馬。指黃河而誓。其功臣鮮有存者。易世而後。所當僅如
綫之虞。萑苻之盜。鹵級數十。以至積封自伯。而至侯者
今胡以貂綿蟬聯也。以此况彼。誠不可同年而語。自
孝宗而後。執政始知愛守名爵。不肯輕異。而不能無畏
于首尾。未暇一釐正之。然至新建之取叛王。不煩天
于璽書。不費大倉水衡金錢。縛之于股掌。寧遠之摧東
虜。積級至萬餘。其所邁敵固皆暇。然其績豈與它徹矣
等。面縉紳大夫猶斷斷有後言者。何也。少所見。多所怪
固也。夫陋而不習掌故。余故表之。以告夫司勳者。

詔諭四夷君長。○徙封谷王穗于長沙。○黃福爲工部尚

書。○移東勝左衛于永平府，東勝右衛于遵化縣。

按此實錄所紀，洪武初以東勝與和開平、天寧爲邊，至永樂初以天寧、東勝曠野難守，遂移諸衛所于內地。至宣德中復棄開平與和之東西失地各三百餘里，遂以延綏、大同、宣府、獨石、薊州爲邊矣。

十月勅重修太祖高皇帝實錄，命曹國公景隆爲監修

都總裁官，尚書茹瑺爲副監修，侍講解縉爲副總裁。○寧

添意

王權來朝，改封南昌。○僧道衍爲左善世。○命解縉等繙

閱建文時羣臣章疏，時上於宮中得奏章千餘通覽之

多干犯者，乃命縉等繙閱，關係軍馬錢糧數目則留，餘悉

焚之。既而從容問縉筭曰：爾等宜皆有之，衆稽首未對，修

身傍千古

撰李貫進曰臣實無之。上曰爾獨以無為賢耶。食其祿則思任其事。當國家危急之際。近侍獨無一言。可乎。朕非惡盡心于建文者。但惡導誘建文壞祖法。亂政經耳。爾等前日事彼。則忠于彼。今日事朕。則忠於朕。不必曲自遮蔽也。

十一月新作奉天殿成。○册妃徐氏為皇后。○陞解縉

侍讀學士。胡靖。黃淮。胡儼。並侍讀。楊榮。楊士奇。金幼孜。並

侍講。○陞北平布政使郭資。保定知府雒僉。為戶刑部尚

書。仍掌司府事。

以守城功也。

十二月擢右通政李至剛為禮部尚書。○詔求隱逸。以江

西儒士軒伯昂為山東布政司左參議。○戒諭靖難功臣。

西儒士軒伯昂為山東布政司左參議○戒諭靖難功臣

浙江圖書館

皇明從信錄卷十二 終



浙江圖書館



浙江圖書館

浙江圖書館善本

索書號：004874

一九二九年九月



浙江圖書館



浙江圖書館


浙江圖書館善本

登記號：004874

一九 年 月 日




浙江圖書館



浙江圖書館



浙江圖書館



Inches 1 2 3 4 5 6 7 8

Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black